

LAIKIM MOA NES



Foto antap i soim 10-pela nes i kisim setifiket bilong ol long han bilong Wokta Gobius long Boram Haus Sik long Wewak, long de namba 25 bilong Jun. Kirap long lephan yu lukim: Patricia Jaroma (Yarapos), Magdalena Woworan (Turubu), Katarina Hufinong (Sassoya), Agnes Boroku (Warabung), Elisabeth Kika (Sassoya), Martha Siles (Kavieng), Rondi Bagasi (But), Gertrude Makil (Kairiru), Martha Aisak (Kaugia), Mary Anton (Westen Ailans).

Long Port Moresby 60 bikpela sista na nes i kibung inap 6-pela de na ol autim planti wari bilong ol, long wanem Papua Nu Gini i sot tru long ol nes. Ol i laikim planti meri moa i kisim dispela wok. Ol i laikim tu ol meri bipo ol i nes na nau ol i marit pinis, bai ol i ken kam bek holim wok nes gen.

OL I WINIM MANI:

Leo Walol, Ulupu
Linus Kopa, Woitape
Reuben Guma, Mendi
Mrs. Nomi Akio, Madang
Gabriel Hamau, Lae
(Lukim pes 20)

Wantok niuspepa go het moa

WANTOK niuspepa i solap inap long 20 pes dispela taim. Bilong wanem? Long wanem planti kampani i laik putim toksave bilong ol insait long wanem ol i laik ol pipel bilong Papua Nu Gini stret i lukim. Ol i save sapos ol i baim WANTOK niuspepa bai ol i ken lukim na baim ol samting.

Wanpela samting yet. Ating ol Sepik i stap nabaut long Papua Nu Gini i save WANTOK i gat 8 pes moa i pulap long Sepik nius tasol. Em i bilong Sepik Distrik; tasol ol man bilong ol arape-la hap i ken kisim tu. Yu askim tasol.

TOK PISIN INSAIT LONG PAPUA PINIS

Olgeta skul bilong gavman insait long Papua i bin lukim tok pisin long WANTOK niuspepa. Ating ol i laikim tu. Long wanem nau long laik bilong ol yet tenpela skul long Papua stret i kisim moa long 100 WANTOK olgeta tupela wik.

Ol i save tok pisin pinis. Husat i tok i no gat tok pisin long Papua? Tru, a?

Wanpela man long gavman i bin askim mipela long wokim 4-pela pes nius bilong Papua tasol Yes. Long tok pisin yet Olaboi, pisin i go het.

MANI WETIM 2,489 MAN Ating Yu?

I gat moa olsem 52 tausen dola (\$52,116) i wetim 2,489 man.

Ol mani hia i stap long Kopra Maketing Bot long Port Moresby.

Em i winmani, bot hia i no bekim yet. Ol i lukautim ol man i salim kopra.

Sapos yu save salim kopra long kopra bot, yu go askim ol sapos sampela winmani i wet long yu. Kopra bot i gat ol dispela nem.

Na kiap o het tisa tu i ken painim long "Government Gazette", namba 49,31 May 1973.

PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

NO DAUNIM ARAPELA LOTU

Dia Editia.- Mi laik bekim pas bilong brata Pius Ekruai, bilong Nipa Sab Distrik.

Yes brata yu stap long hap bilong yu, na yu skulim ol manmeri long gutnius bilong Jisas Kraist.

Hap yu stap long em i gat planti kain lotu na i gat planti kain man.

Na yu skulim ol man na meri long tok bilong God long Baibel, na i gat arapela lotu o man nogut i save tok bilas long yu.

Maski yu no wari, yu save pinis, i gat sampela man i skul tru long Baibel, na ol i no skul tru na i no bilip tru long Baibel.

Ol i laik litimpaim nem bilong ol tasol olsem ol Ferisi.

Na sapos yu gat Baibel bilong yu na yu ken painim wok bilong ol Apostel. Sapta 1. i go inap long Sapta 28.-31 em bai yu ritim na kism planti tingting long ol wok bilong Apostel Paulus i raitim.

Na Baibel i no samting bilong resis, no gat. Baibel i tok yumi i mas bilip na lukluk long yumi yet tu.

Yes, brata Pius, mi tu mi painim planti olkain trabel olsem yu tok pinis. Na em i hatwok tru long stretim, ol pipel long ol kain kain lotu.

Tasol maski, yumi ken mekim hatwok long Eklesia bilong yumi i ken sanap strong. Yumi mas tingting Santu

Apostel Paulus em i no slo na pret.

Na sapos man i tok, mi man bilong bilip na mi save bihainim gut Baibel, bai ol arapela i bihainim em. Tasol em i no tingting long wokabaut bilong em, na sindaun bilong em.

Planti man mi lukim ol, ol i save pret long ai bilong man i lukim ol. Ol i save sem na pret, na ol i no ting long ai bilong God.

Na Pius, mi skruim tasol tok bilong yu, sapos yu gat moa, yu rait tasol i kam long Wantok Niuspepa.

L.Wani,
Nuku W.S.D.



KAMPANI NO RABISIM PLAK

Dia Editia.- Nau mi laik autim wanpela wari bilong mi long plak bilong dispela kantri bilong yumi yet.

Mi lukim ol tin pis ol bisnisman i salim long ol tretstua long Erave na ol pipel bilong ples i baim.

Mi lukim antap bilong tin pis i gat piksa bi-

long plak bilong dispela kantri. Mi ting em i no stret tru. Bikos plak em i samting tru bilong kantri na i no ken wanpela i pilai nabaut long em. Plak em i no samting bilong bilasim ol samting bilong tanim pekpek olsem tin pis, na ol arapela samting olsem bilong kai-kai.

Mi ting kampani i wokim dispela tin pis i rabisim plak bilong dispela kantri bilong yumi.

Sapos ol i putim plak long balus o ka em i gutpela.

Mi wanpela longlong het na mi raitim dispela wari bilong mi long Wantok.

Gornelius Koya,
Erave/S.H.D.

SAVEMAN NO HARIAPIM BOI

Dia Editia.- Mi gat wari long ol saveman o pepaman ol i save wok long ol plantesin na long taun.

Ol i save hariapim ol boi tru long wok, na dispela kain pasin i no stret tru.

Sapos yu save man, na watpo yu no laik stap long ples bilong yu na statim bisnis long hap bilong yu, na ol boi i kam wok long yu. Olsem yu ken hariapim ol long wok, na bai i stret olsem yu i masta pinis.


Tasol yu saveman mitupela i kam long plantesin o taun long painim mani tasol. Na masta i baim mitupela long mani, na maski long yu i hariap tumas.

Em i no wok bisnis bilong yu. Olsem mi kanaka na mi no save long rit na rait.

Sapos yu husat save-

wanem kain tingting ken rait i kam lo Wantok Niuspepa na ken stretim wari bilom mi.

Andrew Meia
Kimbe/W.N.B.



NO KEN TOK BILAS, BIKMAN

Dia Editia. Mi lukitoktok bilong Anto Parao long Wantok Niu namba 65 long Epril long pas bilong wanpela brata bilong mi ei George Bakin bilong Madang.

O yes, Parao tok bilong yu i gutpela tru Yu kolim mipela manmeri long nambis i rabis na mipela i bilong kaikai buai tasol na no gat bisnis.

Nau mi laik soim yu sampela hevi i bin kamap long yu. Wanpela i bin kamap pinis long yia 1972. Yu gat wanpela kaikai tasol long Hailans na yu sot tru long kaikai.

Taim bikpela hangre i kamap long Westen na Saten Hailans, husat i helpim ol long kaikai? Ating yu no? Mi ting yu yet no gat tru.

Planti tausen, dola i kam long 14-pela distrik long nambis wantaim Koalisen Gavman na Gavman bilong Australia na planti ol

rapela kantri.

Sapos bihain wanpela
evi i kamap long nam-
is yu inap long mekim
asin bilong helpim
i no?

Mi ting yu i no inap
ong mekim dispela,
ikos yu haiden na yu
o save long pasin bi-
ong givim bel.

Mi laik askim yu, yu
gat hamas kain kaikai
apos gaden kaukau bi-
ong yu i bagarap, na
u inap kisim help
ong dispela kaikai na
bus?

Yu inap bekim dispe-
a bikpela help i kam
ong ol distrik long

nambis? Mi ting yu
wanpela i no inap na
yu olsem kaukau bilong
yu yet.

Mi askim yu moa, a-
ting yu memba bilong
Haus na yu gat planti
save long rot bilong
salim kopi bilong yu
long narapela kantri.
Yu gat ples bilong yu
long bikpela sip i kam
insait long kisim kopi
long taim Papua Nu Gi-
ni i kisim independens
bihain.

Sapos yu laik birua
long ol pipel long
nambis ating yu yet yu
pasim rot bilong salim
kopi long bikpela sip,

na narapela yu no gat
rot tu long kisim kago
samting i kam long
Hailans.

Mipela i no lukim wok
bilong yu long Westen
Hailans. Yu yet i no
gat wanpela lo i stap
long yu.

Tok na tingting bi-
long yu i no olsem wan-
pela lida bilong gav-
man.

Nisbet Morgan Kalale,
Kundiawa/Chimbu.



BAIM SAMTING LONG MAKET

Dia Edita.- Mi laik
bekim pas bilong Pon-
tius Waigo bilong Okapa
Dispela leta mi ritim
long Wantok bilong
Trinde Mas 7.

Pontius em i tok, em
i wari bikos em i lukim
long maket bilong Goro-
ka na Kainantu olsem,
ol yangpela manmeri i
save baim ol samting
long ol yangpela manme-
ri tasol.

Long tingting bilong
mi, mi tok Pontius i no
tok stret. Bikos i gat
planti manmeri ol i ba-
im samting bilong ol
lapun man na meri.

I tru planti ol i sa-
ve i go long ples wan-
taim kaikai bilong ol.
Tasol bikos i no yang-
pela manmeri i baim
samting bilong ol nara-
pela man tasol. Nogat
tru.

Pontius, mi no ting
yu lukluk gut long ma-
ket bilong Goroka.

Mi save lukim planti
taim long ai bilong mi
tu. Planti man i save
baim kaikai bilong ol
lapun man na meri.

Sampela yangpela pi-
pel o lain man ol i go
bek wantaim kaikai tu.
Watpo ol i mekim olsem?
Mi tokim yu wantok.

Pastaim tru ol lain
man long taun i no inap
long pinisim kaikai. Ol
i kisim liklik long
laik bilong ol.

Na tu sampela samting
i doti, sampela i gut-
pela na sampela i no
gutpela tru.

Olsem tasol ol man bi-
long baim i save skelim
ol lain kaikai yet.

Ating Pontius i lukim
taim ol yangpela i baim
kaikai olsem, klin gut-
pela no gat bruk bruk
skin, i no gat hap lip
i dai o drai olgeta?

Na tu husat i gat sa-
ve long ol samting ol-
sem, i mas save hamas
man bai i kaikai sam-
ting ol i baim long ma-
ket.

Sapos wanpela i no
skelim na baim bai ol
samting i go sting ol-
geta.

Long Goroka sampela
lapun meri i save kam
wantaim ol kaukau i
liklik tru olsem stik.

Sampela i save kam
wantaim ol kon i strong
tru. Orait husat i laik
baim ol samting olsem?

Ating ol dispela sam-
ting tasol na ol lapun
man na meri i save wari
long ol i no baim long
ol.

Therese Mangta'ari,
Goroka.



TU MINIT TINGTING

TU LUSIM PREA

"Yupela i mas holim strong pasin bi-
long prea."

(Kolosi 4:2.)

Long 1942 i go inap 1946 i gat bikpe-
la pait bilong ol Japan wantaim Amerika
na Australia i kamap long Papua Nu Gini.
Long dispela taim planti manmeri i mekim
pasin bilong prea planti tumas. Tasol
taim pait i pinis ol manmeri i lusim
tingting long prea na ol i wok nating
tasol.

Yumi ken tok olsem. Prea em wok tru
bilong ol Kristen manmeri. Ating yumi
lukim pasin bilong telimautim gutnius i
olsem wok. Na tu pasin bilong baptais i
olsem wok. Olsem na ol i les long prea.

Tasol sapos yumi no save wok strong
long prea, ating wanpela kaikai inap
kamap long gaden bilong yumi, olsem man
i ken bilip long Papa God? Nogat.

Sapos yumi lukim wanpela man i mekim
pasin haiden. Olsem na yumi laik kisim
em i kam insait long Kingdom bilong God.
Bai yumi inap kisim em i kam olsem wa-
nem? Bai yumi inap kisim em long prea
tasol.

Long Mak 9:14-29 Jisas i tok i spik,
"Prea tasol em inap long rausim dispela
kain spirit. Narapela samting i no i-
nap." Ating, sapos yumi bilip tru long
pawa bilong prea, bai yumi no ken les
moa long prea. Prea em i wok tru bilong
Kristen manmeri.

Dispela naispela tingting i kam long
wanpela nupela buk ol i kolim WOKABAUT
WANTAIM JISAS. Pasto Yanadabing APO i
edita, na Kristen Buk Senta, Madang i
save salim. I gut yu kisim wanpela.

OLSEM WANEM KOKOMO KISIM BIKPELA TIT?

Long bipo tru muruk nem muruk i gat bik-na kokomo i stap olsem pela tit tru, na em i gutpela pren tru. Kokomo em i gat liklik tit tasol, na muruk em i gat sutim em".

Orait na kokomo i tokim muruk, "E pren muruk, ating tit bilong yu i olsem gutpela tamiok. Man, ating mi kisim tit bilong yu na mi go traim katim dispela diwai pastaim".


Orait em i lukim pren bilong em kokomo em i wokabaut i kam. Na em i tok, "Gude pren. Yu gutpela pren tru. Yu naispela man". Na tupela i amamas wantaim na tok pilai, na tok gris, na lap tasol.

Tasol wanpela bikpela tingting i kirap long kokomo na em i ting. "Ating bai mi trikim muruk na kisim bikpela tit bilong em. Long wa-

Orait na kokomo i tokim muruk, "E pren muruk, ating tit bilong yu i olsem gutpela tamiok. Man, ating mi kisim tit bilong yu na mi go traim katim dispela diwai pastaim".

Orait na kokomo i kisim tit bilong muruk na i go long as bilong wanpela diwai, na em i wok long katim han bilong dispela diwai. Em i tok "Man, poroman, tamiok bilong yu i gutpela tru".

Na muruk em i wok long lap tasol i stap. Na em i no ting bai kokomo i stilim tamiok



bilong em. Tasol taim kokomo i kamap pinis long tel bilong diwai em i tokim pren bilong em muruk, "E pren, ating mi laik lusim yu nau". Tasol muruk i tok, "Orait yu kisim tamiok bilong mi i kam pastaim". Tasol kokomo i kirap na flai i go antap wantaim tamiok bilong muruk.

Taim muruk i lukim dispela, man, bel bilong em i kirap nogut tru na em i wok long krai tasol. Orait na em i kisim dispela liklik tamiok o tit bilong kokomo na wok long paitim long ston, na bagarapim tit tru, na em i kisim tit na em i go. Tasol muruk i sori tru, long wanem, kokomo i bin kisim gutpela tit bilong em na karim i go pinis.

Na nau yumi ken lukim kokomo em i gat bikpela tit moa. Dispela tit em i bin stilim long muruk. Na muruk em i gat liklik tit tasol.


Nau yumi ting wanem, pasin bilong kokomo i gutpela? Sori, ating em i no gutpela. Long wanem em i olsem stil tasol. Olsem na ating, planti man long Papua Nu Gini ol i save mekim olsem.

Ol i laik trikim arape la man na stil tu.

Kokomo na muruk pas taim tupela i stap olsem gutpela pren tru Tasol dispela samting kamap na tupela i sta olsem birua olgeta.

Em i olsem, bipo yum stap pren tru bilong God. Tasol pasin nogu i bin kamap long yumi na nau yumi no stap mo pren bilong God. Taim kokomo i kisim tamiok bilong muruk, orait tupela i kamap birua. Olsem tasol taim yumi mekim sin long ai bilong God, yumi kamap birua bilong God. Na nau yumi stap longwe long God pinis. Tasol sapos yumi bilip tru long Jisas Krais, bai em i tekewe sin bilong yumi na bai yumi kamap pren bilong God. Mantam Yomka

WOKABAUT WANTAIM JISAS BUK 2 NAU EM I REDI



WOKABAUT WANTAIM JISAS em i wanpela gutpela buk tru na em i bin kamap long hatwok bilong yumi Papua Niugini yet. Pasto Yanadabing Apo em i wok edita long en. Dispela buk em i bilong helpim olgeta Kristen famili long lotu bilong ol long olgeta de.

Na dispela buk em bai i kamap 4-pela hap inap olsem tri mun tri mun. Olsem na nau dispela em i namba tu hap inap yu stat long Epril i go inap long Jun na bai i pinis.

Yu ken baim dispela buk long dispela tripela buk stua:


KRISTEN BUK SENTA

.... P.O. BOX 222 MADANG

.... P.O. BOX 215 KUNDIAWA

.... P.O. BOX 718 LAE

Oda No. 121...Prais: 30¢



TOKSAVE LONG OL STORI BILONG TUMBUNA.....

Sapos yu salim wanpela stori bilong tumbuna i kam na mipela i prinin long niuspepa, bai mipela i givim tu dola (\$2) long yu. Sapos yu salim wanpela piksa bilong stori i kam wantaim, bai mipela i givim yu wan dola moa.

KONSTITUSEN TOKTOK



KONSTITUSENEL PLENING KOMITI LONG Y.C., WEWAK

Konstitusenel Plening Komiti i bin pinisim wok ilongen long Is na Wes Sepik na Madang Distrik. I i bin kisim planti gutpela aidia. Em hia samela:

ITISEN: Planti spika i laikim ol gutpela pipel ilong arapela kantri i ken kamap sitisen sapos i i bin stap longtaim hia na i bin mekim gut ong ol pipel. Ol nupela sitisen i mas save tok isin o tok motu na i mas bihainim ol pasin bilong Papua Nu Gini. Wan wan spika i kros na i tok olgeta waitman na hapkas i mas raus.

GAVMAN: Pipel i laik bai distrik gavman i gat moa strong long en na i bosim tru ol wok na ol wokman bilong distrik. Bikpela gavman long Moresby i mas bosim ol bikpela samting tru. Ol i laik tu bai ol pipel yet i ilektim distrik komisina.

KOT: Moa na moa pipel i laikim aidia bilong viles kot, o kot long ples yet. Ol i no laik ol jas i no save tru long tok na pasin bilong Papua Nu Gini i kam mekim kot na traime stretim ol rong.

ILEKSEN: Pipel i laikim pasin bilong kaunim ol namba wan vot tasol long ol ileksen. Man i kisim planti namba wan vot em i win. Em tasol. Narapela pasin bilong kaunim namba tu na namba tri vot i kostim planti mani na i paulim tingting bilong ol man i laik vot.

MEMBA BILONG HAUS ASEMBLI: Planti pipel i kros long ol memba long wanem ol i no save kam lukim ol pipel na toktok wantaim ol na harim wari bilong ol. Sampela i tok ol i no lukim yet memba bilong ol wanpela taim yet.

PRESIDEN O PRAIM MINISTA? Sampela pipel i laikim kain gavman yumi gat nau na bai i gat pesman bilong kwin tu i stap. Tasol sampela arapela i no laik na i tok pesman hia em i bilas nating tasol na i no gat strong o wok tru bilong en na i kisim pe nating. Narapela sampela man gen i laikim presiden i bosim kantri na gavman wantaim.

Long sampela ples ol man i no save gut tru yet long selp gavman na independens, tupela i wanem samting tru. Man i no save em i pret long tupela samting hia. Em i as bilong planti wari long ol hailans distrik.

Mipela inap wokim

OLKAIN SAMTING LONG KANDA

Autim laik bilong yu tasol


olkain sia
olkain tebol
olkain basket
blain pangal

Mipela ken salim long sip o balus. Rait tasol i go long:

**CANE INDUSTRY
PES-AITAPE, W.S.D.**

Bisnis
bilong ol
lokal pipel
stret

lukim ol
prais hia




bilong
strongim
bun

bilong ol
liklik
pikinini



swit moa olsem loli

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

TING YU SAVE.....

TING YU SAVE.....

Plak bilong Australia no moa flai antap ong ol sip na ofis na aus bilong gavman. Plak ilong Papua Nu Gini asol i flai.

Na yumi no moa ken olim dispela kantri eritori bilong Papua a Nu Gini. Papua Nu ini, em tasol i nem ilong en.

TING YU SAVE.....

I no longtaim i go vinis, Dipatmen bilong ius na Toksave i bin statim tripela olkain stori (yu ken painim hispela stori long WAN-FOK, namba 67 long pes 10). Inap nau ol i bin kisim 167 stori pinis.

ATING YU SAVE.....

Klostu long Mendi long Sauten Hailans didiman i bin putim sampela nupela kain pis insait long wara Tongo. Sampela yia i go pinis nau na ol man inap go hukim ol. Wapela man i hukim wapela pis hevi bilong em inap 10 paun. Sampela arapela man i bin hukim sampela pis moa hevi bilong ol inap 6 paun stret.

Dipatmen bilong didiman i amamas tru long dispela samting na i ting long putim planti pikinini pis moa long ol wara long hailans... long wanem ol i save go bikpela hariap moa.

ATING YU SAVE.....

Ol pipel i gat kain kain tingting long nem bilong Michael Somare.

I tru, sampela i laik kolim em namba wan minista. Tasol sampela man i laik em i kisim nem bilong bipo olsem waitpus o kukurai.

ATING YU SAVE.....

Long Simbu sampela ol man i bin pait long mak bilong graun. Ol i tok as bilong trabel em ol pos simen masta mak i bin putim long graun bilong makim ol arere

bilong graun. Ol i laik bai ol dispela pos simen i raus.

Ol i tok ol tumbuna i save wokim gaden long planti hap na i no insait long arere bilong lain bilong ol. Nau ol dispela ston simen i kalabusim ol na ol i no laik.

ATING YU SAVE.....

Long ples Saidor long hap bilong Madang ol man i gat dispela kain

tok long Konstitusenel Plening Komiti:

Sapos wapela lokal meri i maritim waitman na i kamap sitisen bilong Australia; em i tambu long kam bek long Papua Nu Gini, tasol ol pikinini bilong en inap long kam bek.

Ol waitman i bin stap longtaim moa long dispela kantri i ken kamap sitisen sapos ol pipel i save sindaun na wok wantaim ol i laikim olsem.

Tasol sampela arapela

i no laik ol waitman i gat graun o i mekim wok bisnis bai i ken stap.

ATING YU SAVE.....

Gavman i ting yet long statim wapela Nesenel Yut Sevis we ol yangpela manmeri i mas givim wan o tu yia long helpim go het bilong kantri long wok bilong ol yet.

Ol bai lainim planti samting na mekim planti gutpela wok. Tasol ol i no ken kisim bikpela pe. Wok bilong ol i olsem presen long kantri.



Mipela helpim kantri asde tude tumora

Ol balus bilong mipela i save flai moa long 200 taim long wik. Mipela i gat sampela pailot i bin draivim balus inap 18,000 aua.

Mipela save flai i go long 40 ples balus insait long olgeta hap bilong Papua Nu Gini. Olsem tasol, mipela i pilim mipela i save moa long flai long Papua Nu Gini.

Na wanem, em i ples tru bilong mipela Ansett.




Serving the country-yesterday, today & tomorrow



AIRLINES OF PAPUA NEW GUINEA
in conjunction with ANSETT AIRLINES OF AUSTRALIA

AP112



Korektiv Ofisa

Long Bomana (Port Moresby) 11 nupela korektiv ofisa i bin kisim setifiket long Jun 11 long han bilor namba wan ministra Michael Somare. C i bin pinisim wampela kos inap lor 6-pela wik.

Em hia nem bilong ol: Napao Naman (Isten Hailans), Noblet Nivo (Note Distrik), Francis Piyuve (Isten Hailans), Matthias Youfei (W. Sepik) Noblet Wamaingu (Is Sepik), Andre Kita na Joseph Molnga na Kuntiln Engui (Westen Hailans), Samson Jara (Morobe) Kurena Serupa na Trevor Remi (Milne Bay).

Dokta John Guise, Mista Les Johnson, Plis Komisina Mista Nicholls, na namba tu hetman bilong ol korektiv institusen, Mista Bai i stap long seremoni.


Mista Somare i bir tokim ol nupela ofisa wok bilong ol wantain ol kalabusman i no isi.

Bai ol i no kisim planti tenkyu long ol pipel. Em i tok, wok bilong ol em i no bilong paitim na mekim save long ol long kalabus. Ol i mas soim ol man i brukim lo long pasin bilong stretim laip na pasin bilong ol na sindaun gut. Olsem tasol ol i ken helpim kantri na ol yet.

Dokta Guise i amamas long lukim olgeta man i stap long mas ol i lokal ofisa tasol. Em i tok amamas long hetman bilong ol korektiv, Mista John Purcell; em i bin mekim wok bilong em gut tumas. Bihain long sampela mun bai em i lusim Papua Nu Gini na olgeta bikpela ofisa long korektiv hetkota i lokal man tasol.

Ol treni i bin kisim setifiket ol i bin skul long ol lo bilong korektiv institut, wok didiman, sampela wok bilong doktaboi, ol lo bilong wokim haus, pasin bilong mas, na sutim raifel, na stapim pait na wok insait long ofis.

Long poto Somare i tilim medal long ol Ofisa.



YANGPELA MAN, HARIM

Bihainim ol man hia long helpim wok bilong God.

I gat tupela kain memba:

a.) Brata tru

b.) Asisten Brata

Sapos yu laik save moa long dispela kain laip yu rait i go long :

PATER LIEBERT


KATOLIK MISIN

WEWAK


Nau yu ken kisim tok i kam long olgeta hap bilong graun

Ating yu laik harim tok i kam long Englan.....
o yu laik harim musik i kam long Yurop
o kisim Sydney o Melbourne o Canberra.....
o yu laik kisim olgeta stesin bilong Papua Nu Gini.....

ORAIT, YU BAIM DISPELA REDIO NA YU WIN.



R 358 B
Deluxe Portable (3 Band MW/SW1/SW2)
12 Transistor 4 - Diode
2 Speakers with big output
Easy to read "Magic Meter"



R 247JB/HB
A/c/Battery operation 2 Band MW/SW
8 Transistor in Leatherette Cabinet



RF 399
Tuned RF Stage, 12 Transistors
3 Band (MW/SW1/SW2)
Signal strength meter
fine tuning.



BURNS PHILP (New Guinea) LTD
i save salim na fiksime



AMAMAS LONG TOK PISIN

STORI NAMBA WAN

Long ol 12-pela yia i pinis planti waitman tis long ol haiskul ol praimer skul i n tok bilas long tok sin, i bin rabisim em i tok nogut long en.

Planti lokal tisa tu- us i bin kisim dispela et tu bikos ol i ting i kisim gutpela pe ong wanem ol i save ok inglis. Ol i ting ipatmen bilong eduke- en i egens long tok isin; tasol em i no ru.

Nau isi isi moa lokal fisa i kam insait long ipatmen bilong eduke- en na ol i strong long kulim ol sumatin bi- ong sindaun gut long ispela kantri bilong umi. Na samting tru bi- ong dispela kantri em tok pisin na i no tok nglis. Tok inglis em i ok ples bilong ol Aus-

tralia na ol Englan na ol Amerika. Em tasol.

Ol yet i amamas long tok ples bilong ol, o- rait yumi mas amamas long tok ples bilong yumi, tu.

TOK PISIN I WIN

Tok pisin i winim ol- geta arapela 700 tok ples bilong Papua Nu Gini. Tok Enga bilong Wabag i gat 180,000 man i tokim. Kuanua bilong Rabaul i gat 80,000 man i tokim. Kuman bilong ol Simbu i gat 80,000 spi- ka. Na tok ples bilong yu yet i gat hamas spi- ka? Ating i no planti.

Na yu save i gat sam- ting olsem 500,000 pi- pel i save tok pisin. Em i winim olgeta ara- pela tok ples tru.

Na sapos yumi no tok pisin, bai ol man i go maritim ol meri bilong narapela distrik, bai ol

i tok olsem wanem wan- taim meri bilong ol?

LONG OLGETA HAP

Tok pisin i stap long olgeta ailan, long olge- ta nambis bilong Nu Gi- ni. Sapos yu save tok pisin, yu inap tok tu wantaim ol hailans pi- pel. Na long planti ples long Papua ol lo- kal pipel i harim tok pisin na ol i no harim tok motu. Olsem tasol i no longtaim na tok pi- sin bai winim Papua na Nu Gini olgeta.

Long Haus Asembli ol i save tok pisin. I gat moa olsem 3000 lokal gavman kaunsila i save miting long tok pisin tasol.

LONG OLKAIN WOK

Olgeta dokta, na nes tu olgeta kot, olgeta plis- man, olgeta kiap, olge- ta redio stesin na lotu long Nu Gini - ol i mas tok pisin.

Olsem sapos man i ki- rap tok, tok pisin em i samting nating, em i no mekim tok i tru.

Sapos tok pisin i no bikpela samting, bilong wanem Konstitusenel Plening Komite i tok sapos man i laik kamap sitisen bilong Papua Nu Gini, em i mas save tok pisin o tok motu? Sapos tok pisin i samting na- ting, ol i no ken mekim kain tok olsem.

SAMTING BILONG TUMBUNA


I gat planti samting i bilong Papua Nu Gini stret na yumi amamas long en. Samting olsem: saksak na taro na bilum na kaukau na brus na buai na suga na garamut na kundu na kanu na ta- miok ston na kaving na kumul na pukpuk na gol- mani - na tok pisin tu. Olgeta samting hia i wanfamili tasol; olgeta ol i bilong kantri bi- long yumi stret.

Olsem yumi amamas long olgeta wantaim.


Neks taim bai yumi telimaut olsem wanem tok pisin i kisim nem nogut.

F. Mihalio


OMO i mekim klos i lait tru. Putim OMO long wanpela dis.




Nau paitim wara long han bai spet i kamap. Nau wasim klos




Nau kapsaitim wara antap long Omo. Kolwara i orait tu



I pinis, yu rausim doti wara



Wasim klos gen long klinpela wara nating. Maski sop.



Orait, nau yu lukim: klos i lait tru. Tenkyu long OMO sop





Tripela poto long dispela hap i soim ol manmeri i wok long welpam o tri palmen i save karim pikinini i gat planti wel long ol.

Antap yu lukim sampela meri i karim sampela rop bilong wel pam. Ol i luk olsem bikipela karuka.




Daunbilo yu lukim ol man i skelim ol pikinini bilong wel pam na i laik karim i go long faktori.

Ol dispela wok i kamap long hap bilong Hoskins na Kimbe long Wes bilong Nu Briten. Na hia i gat planti manmeri bilong ol arapela ples i bin kam na i sindaun na statim ol gaden na lain pam tri bilong ol yet. Em nupela samting long Nu Gini.



SAVE I GUTPELA

i kam long D.I.E.S.



Long Papua Nu Gini i gat wan wan ples tasol i gat nem bilong wokim sospen graun. Wanpela hia em Yabob long hap bilong Madang. Planti man bilong ol arapela kantri i save kam lukim ol meri Yabob i sindaun wokim ol sospen.

Olsem tasol yumi ken lukim long sampela poto hia. Ol i no gat masin olgeta; ol i mekim ol wok long han nating na long wanpela liklik hap plang tasol.

Antap yumi lukim sampela man bilong Kopiago insait tru long bus bilong Westen Hailans. Ol ibrukim plang bilong wokim sampela bris.

Bihain long pait, taim i no gat masin yet i stap, planti man bilong yumi i bin wok long brukim plang olsem tasol na salim long gavman na long ol misin. Dispela longpela so ol i kolim pitso.

Na pik hia, em i namba wan abus long olgeta hap bilong Papua Nu Gini. Long hailans pik em i olsem mani bilong ol pipel taim ol i go baim meri. Man i gat naispela pat-pela pik em i laki tru; em i win.





Poto long antap i soim Mista Ignatius Kurei i stap insait long bikpela laibreri long Yunivesiti bilong Papua Nu Gini long Port Moresby. Mista Kurei i kam long Megiar viles long Madang Distrik. Klostu bai em i go mekim 4 mun skul long bikpela Yunivesiti bilong Melbourne long Australia na lainim ol kain kain we bilong lukautim ol buk insait long ofis bilong ol bikpela kampani.



Dispela tupela soldia bilong Queensland long Australia Saiden Bill Kelley wantaim John Hunt, tupela i lainim long wanem ol samting em tupela i bin mekim long wanpela pilai bilong ol soldia long Papua Nu Gini long yia i go pinis.

Long dispela taim tu wanpela lain soldia bilong Adelaide long Australia i kamap long Papua Nu Gini na mekim wanpela pilai bilong hait wantaim wantaim lain soldia bilong Papua Nu Gini. Ol i bin mekim dispela pilai hait long mun Novemba long yia i go pinis.



**Marasin bilong olkain
man meri pikinini
i mas kisim strong.**





Lens Koprul Beni wantaim meri bilong em Misis Beni tupela i stap insait long Taurama Haus Sik long Port Moresby wantaim nupela pikinini meri bilong tupela nem bilong em Mary. Mary em i namba wan pikinini mama i bin karim long Taurama Haus Sik. Lens Koprul Beni em i save draivim ambulans bilong ami long Taurama Bareks long Port Moresby.

Yu ken lukim em i gat bikpela amamas tru long pikinini bilong em. Taim mama i karim em nupela sista i bin skelim hevi bilong em na em i kamap olsem 6 paun na 4 auns hevi.

KISIM SAVE SENTA

Planti manmeri bilong Hailans i no save gut long Tok Pisin. Ol i save bihainim tok ples bilong ol tasol. Ol i no save long dispela nambawan toktok bilong Papua Nu Gini. Olsem na ol i wari long kisim tok Pisin olsem wanem.

Ol manmeri bilong Sepik na arapela hap ol i save pinis long bihainim tok Pisin long maus taim ol i liklik yet. Olsem na taim ol i skul long tok Pisin ol i skul long rit rait tasol. Tasol ol Hailans nogat. Long hap bilong Koroba planti i save rit long tok ples na sapos ol i kisim rit long tok Pisin ol inap. Tasol mining tru bilong tok i no kamap klia long ol.

Dispela em i as bilong dispela nupela kain skul i kirap long hap bilong Koroba. Long Lumi long Wes Sepik i gat wanpela Kisim Save Trening Senta. Planti man i bin skul long dispela trening na ol i kamap Kisim Save Tisa pinis long ples bilong ol. Tasol trening long Lumi em i no inap long ol Hailans. Olsem na long Koroba ol i kirapim wanpela Kisim Save Tisa Trening Skul i bungim wok bilong Lumi wantaim pasin bilong lainim maus bilong tok Pisin.

Tupela misinari bilong C.M.M.L., Mista Wali Sim na Miss B. Sundgren i bin mekim hatwok tru long redim sampela kaset na piksa bilong helpim dispela wok i go het. Nau ol i stat long wokim kaset long Kristen Lida Trening Koles long Banz na piksa ol S.I.L. bai i prinim long masin. Bihain tu buk bilong tisa long lainim maus bai i (Stori i go moa long pes 16)

BOOK LOVERS

MAIL ORDER

NAME _____
ADDRESS _____




MAIL COUPON FOR FURTHER
DETAILS TO:

**NEW GUINEA
BOOK DEPOT**

PO BOX 5495
BOROKO
POM


NISSAN JUNIOR LSD

**STRONGPELA TRAK
INAP LONG WINIM
OLKAIN ROT**



**BIKPELA ENSIN -
91 HOSPAWA
KEN PULIM NA
KARIM PLANTI**

BOROKO MOTORS LTD.
THROUGHOUT PAPUA NEW GUINEA





OL MINISTA GO TOKTOK WANTAIM YUNAITET NESENS

Long namba wan lain long poto yumi lukim ol bikpela man bilong Australia na Papua Nu Gini i go long Yunaitet Nesens long 30 Me.

Kirap long lephan yu ken lukim: Mista Charles Ashwin i tokman bilong Australia; Mista D. O. Hay em i wok long Dipatmen bilong ol Teritori bilong Australia



na bipo em i namba wan gavman bilong yumi; Mista Julius Chan em i Minista bilong ol Beng na Mista Thomas Kavali em i Minista bilong olkain Wok.

Mista Chan yet i bin givim longpela toktok bilong ol Teritori insait long Yunaitet Nesens.

Em i bin tokim ol long go het bilong Papua Nu Gini na long selp gavman i laik kamap long namba wan de bilong Desemba.

Em i autim sampela wari bilong gavman, na olsem wanem yumi mas i gat planti mani liklik yet long mekim go het gut ol skul na wok didiman.

Em i soim ol tu olsem wanem bai long ol yia i laik kam, Papua Nu Gini bai i gat moa na moa ol samting bilong salim long ol arapela kantri. Na em i gutpela samting na i min yumi no mas oltaim singaut long dinaw long ol arapela kantri; yumi yet inap long winim mani bilong yumi yet.



OL TISA TRENI GIVIM GUTPELA HELPIM LONG OL SIK SUMATIN



Em hia ol 15 tisa treni bilong Port Moresby T. Koles i helpim ol sik sumatin i stap long Laloki Haus Sik long Port Moresby. Lain antap: Kirap long lephan i go long raithan yu lukim John Toivita, Lamu Vanua, Levi George, Philip Aume, na Maso Posam. Lain namel: Kirap long lephan i go long raithan yu lukim Yandui Tangura, Sereie Isiah, Gem Gigiba, Matheson Karigawa, Alex Lokopio, na Rupa Pala. Lain daunbilo: Kirap long lephan i go long raithan yu lukim Kaseng Isidore, Alwyn Dudaba, Sumai Sariri, na Peter Oi.

Dispela poto i stap long lephan sait em i soim gutpela eksampel tru long ol man tisa na meri tisa bilong yumi long Papua Nu Gini em ol i tis nabaut nau long olgeta hap.

Dispela ol 15 man i stap long poto long lepsait ol i save mekim bikpela wok tru.

Long olgeta Mande i go inap long olgeta Fraide ol 15 tisa treni hia ol i save go givim sampela lesen na sampela skul wok long ol tarangu sik sumatin i stap long bikpela haus sik long Laloki long Port Moresby. Tarangu ol sumatin hia ol i no inap long go long skul long wanem bikpela sik i bin kisim ol na ol i mas i go na i stap long haus sik tasol na kisim marasin na wetim sapos sik bilong ol i pinis.

Tripela tisa ol i save go long bikpela haus sik bilong Port Moresby na lainim ol sumatin inap wan aua long tripe-la apinun, na arapela tripela tisa ol i save go long Laloki haus sik na lainim ol sumatin inap tu aua long wanpela apinun long olgeta wik. Ol tisa hia ol i save givim bikpela helpim tru i go long ol sik sumatin hia i stap long dispela tupela bikpela haus sik. Em i no wok bilong ol. Nogat. Ol i save helpim ol tarangu sik sumatin tasol. Ol sumatin wantaim ol sampela sik pipel i amamas moa long dispela gutpela skul ol tisa i save givim i go long ol.

I gat foapela arapela meri bilong Yunaitet, Luteran, Englikan, na S.D.A. Misin ol i save helpim ol sik sumatin.

SANYO



YU KEN HARIM BROTKAS BILONG OLGETA STESIN
BILONG PAPUA NEW GUINEA.
TOK NA MUSIK I KAMAP STRONG NA KLIA MOA MOA.

MOBETA YU GO LUKIM NA HARIM LONG STUA BILONG :

BRECKWOLDT & CO (NG) PTY LTD



Yu no ken baim narapela redio inap
long dispela kain SANYO. Nogat tru.

PORT MORESBY · MADANG · RABAU
LAKE · MT. HAGEN · WEWAK · KIETA

PAPUA NEW GUINEA 1974



JANUARY
JANUARI

		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

KALA KALENDA BILONG YUMI STRET

Dispela nupela kalenda bilong yia 1974 em bilong yumi Papua New Guinea stret.

Wan wan mun i gat naispela kala poto bilong kain kain hap bilong kantri bilong yumi.

Yu laik baim sampela ol kalenda? Lukim waitpela oda fom i stap hia, raitim oda bilong yu na salim i kam wantaim sek long mipela:

WIRUI PRESS, P.O. BOX 107, WEWAK

KISIM SAVE SENTA.....

kamap long stua.

Tupela misinari bilong C.M.M.L., Ossie na Jenny Fountain, wantaim sampela Kristen bilong Ol Sios Bilong Kristen Brata long hap bilong Guala long Koroba, i bin kirapim dispela trening. Narapela man, Yale bilong Pori, i kamap namba tri tisa. Ol i bin kisim 21 studen olgeta na trening i kirap pinis. Dispela trening bai i go tripela wik tripela wik long olgeta tripela mun, i go inap long mun Mas long 1974. Ol dispela manmeri i kam insait ol i bilong Koroba na Kopiago Sap Distrik. Tasol tupela i bilong Baptist Sios. Wanpela bilong Tekin na wanpela bilong Telefo-


min. Dispela i no liklik wok. Em i bikpela na ol dispela tisa na studen i go het long traim dispela nupela kain pasin bilong lainim tok Pisin long maus. Bihain arapela arapela hap bilong yumi i no hatwok tumas long kisim nambawan toktok bilong yumi.

HAUS KOSTIM LIKLIK

Komisin bilong bosim wok long ol haus i bin wokim 2,300 haus long Port Moresby, Lae, Madang, Rabaul, Kimbe, Bulolo, Mt. Hagen, Goroka na Alotau insait long 3-pela yia tasol.

Long yia 1968 ol i wokim wanpela nupela haus i kostim \$1000 tasol. Em inap long wokman i mas lusim \$2 tasol long wik long ren.

Long ol taun planti wokman i no kisim \$10 long wik; olsem haus hia i samting bilong ol.



OLABOI, MAMA, HET BILONG MI I PEN MOA MOA YET




YU NO MAS WARI... KISIM ASPRO PASTAIM, BAI PEN I RAUS OLGETA...



TRU TUMAS.. PEN I GO PINIS.. MAMA YU SMAT TUMAS..

EM I NO SAMTING BILONG MI.. EM I ASPRO TASOL..

NAMBAWAN MARASIN BILONG OLGETA PEN.



PASIN BILONG BAIM WANTOK

Sapos yu stap long skul o long kaunsil o long wanpela klap, mobeta yupela kisim planti WANTOK i kam olgeta taim. Sapos yupela kisim 10-pela o moa, bai prais i daun tru. Yu rait na askim mipela tasol.

Hia nau yu raitim:

Nem:

Adres:

Mi laikim pepa i kam olgeta taim

Salim i kam long:

WANTOK - P.O. BOX 396 - WEWAK

Sapos yu wanpela yu laik kisim WANTOK i kam long yu stret, orait yu salim dispela tiket i kam:


Mi laik kisim WANTOK niuspepa inap wan yia olgeta. Nau mi salim \$4 (foa dola) i kam;

Nem:

Adres:

Salim i kam long:

WANTOK - P.O. BOX 396 - WEWAK



SKAI PIKSA


Dispela tupela man i stap long poto antap i makim wampela lain sa-veman bilong Australia em ol i stap nau long Papua Nu Gini na kisim piksa na wokim mep bilong dispela kantri. Dispela wok i bin stat long namba 1 de bilong mun Epril long dispela yia na bai i pinis long mun Desemba.

Australia i salim 60 man long mekim dispela wok. Dispela wok bilong kisim piksa long balus na wokim mep bilong dispela kantri, long tok ples bilong mipela o tok Pisin ol i kolim Skai Piksa, (Sky Picture). Dispela ol 60 man bai skelim ol man i go long 8-pela grup o lain na bai ol i salim sampela lain i go long Westen Distrik, na sampela lain i go long hap bilong Hailans, na sampela lain bai ol i wok long hap bilong Is na Wes Nu Briten Distrik.

Ol i bin mekim sampela wok pinis long hap bilong Hailans wantaim Is na Wes Sepik Distrik.

Namba wan Minista bilong yumi Mista Michael Somare i tok Australia i helpim yumi gut tru.

Wantok Publications bilong Wewak (P.O. Box 396) i wokim, na Wirui Pres long Wewak i prinin.



KOMATSU the power and strength for Papua New Guinea

KOMATSU'S D85A Crawler Tractor featuring Cummins NH220 Diesel engine at work on the Daulo Pass, Eastern Highlands


Parts and after sales service for KOMATSU Crawler Tractors and Track Loaders is provided by TUTT BRYANT PACIFIC LIMITED throughout Papua New Guinea and The British Solomons. Write for further details on how KOMATSU can help you in Papua New Guinea



Tutu Bryant Pacific Limited

LAE-MADANG-PORT MORESBY-GOROKA-RABAU-LKIETA

SAVE LONG OL MEMBA



MISTA TOTOMBLE KABAI
(Dreikikir Open)

AS PLES: Abkumbono, (Is Sepik Distrik)

OL KRISMAS: 40

LOTU: Katolik

SKUL: Em i no go long wanpela skul.

WOK: Tren tupela yia long kamap Etpos Odeli long Boram Haus Sik long Wewak. Wok inap 9-pela yia olgeta long Dreikikir Haus Sik, stap 1 yia kaunsila, na 7 yia presiden long Dreikikir Lokal Gavman Kaunsil. Em i Eksekutyutiv Komite memba bilong dispela kaunsil.

FAMILI: Em i marit na i gat 10-pela pikinini.



MISTA SINAKE GIREGIRE
(Daulo Open)

AS PLES: Asaro (Isten Hailans Distrik)


OL KRISMAS: 35

LOTU: Luteran

SKUL: I no bin go long wanpela skul.

WOK: Presiden bilong Asaro Lokal Gavman Kaunsil. Em i bisnisman na i gat bikpela gaden kopi, gaden kaikai, tretstua, na em i gat liklik bisnis bilong painim gol, na karim pipia long taun. Em i Minista bilong ol Pos Ofis na Telipon long namba tu Haus Asembli.

FAMILI: Em i marit na i gat 2-pela pikinini.



MISTA PARUA KURI
(Dei Open)

AS PLES: Bul (Westen Hailans Distrik)

OL KRISMAS: 33

LOTU: Luteran

SKUL: Em i no bin long wanpela skul.

WOK: Bipo em i stap hetman long ples bilong em. Em i wanpela bisnisman na i gat 3-pela kain bisnis olgeta. Gaden kopi, banis bulmakau, na wanpela gaden ti. Memba bilong Distrik Advaisari Kaunsil, na Dei Wambol Koprativ Sosaiti.

LUKIM PINIS: I go pinis long Australia.

FAMILI: Em i marit na i gat 6-pela pikinini.



MISTA NUMOI KAUPA
(Chuave Open)

AS PLES: Arran, (Simbu Distrik)

OL KRISMAS: 26

LOTU: Englikan

SKUL: Em i bin pinisim Fom 2 tasol long Haiskul.

WOK: Bipo em i bin wok long planti ol haus sik nabaut insait long Papua Nu Gini olsem wanpela Medikal Asisten, na pasim sua bilong ol man, meri, na pikinini, na givim marasin i go long ol sik pipel. Em i bin mekim gutpela wok tru raun long Distrik bilong em na ol arapela ples tu.

FAMILI: Em i marit na i gat wanpela pikinini.



Nupela Haus Kaunsil Gen

Wanpela kampani i save wokim ol haus long Papua Nu Gini ol i kolim (Watkins Overseas Limited), i kisim kontrak pinis long wokim nupela haus kaunsil bilong Mt. Hagen Lokal Gavman Kaunsil insait long Westen Hailans Distrik. Kost bilong dispela kontrak em inap long \$39,000 dola.

Wok bilong dispela nupela haus kaunsil i bin stat long mun Epril long dispela yia na kaunsil i ting olsem bai kampani hia i pini-sim olgeta wok bilong dispela haus kaunsil long dispela mun.

Dispela nupela haus kaunsil bai i luk arakain liklik, bikos bai ol i wokim tupela haus wantaim wanpela antap long narapela o skruim wantaim narapela haus. Banis o wol bilong en bai ol i wokim long simen, rup bai ol i wokim long ain, plua bai ol i wokim long timba, na bai ol i wokim planti liklik rum long insait.

Dispela nupela haus kaunsil bilong Mt. Hagen Lokal Gavman Kaunsil bai i kisim ples bilong narapela haus kaunsil bilong ol, em wanpela bikipela paia i bin kukim daun olgeta long mun Oktoba long yia i go pinis.

Viles Hetman Lukluk Raun

Long mun i go pinis, 5-pela hetman bilong Menyamya Sap Distrik insait long Morobe Distrik, ol i bin go lukluk raun insait long Lae Siti.

Taim ol 5-pela hetman hia i stap long Lae, ol i lukim ol wok bilong Lokal Gavman Kaunsil na wanem wok tru ol kaunsila i save mekim insait long Lae.

Long namba 12 i go inap long namba 15 de ol i bin i stap insait long kibung bilong Morobe Distrik Kaunsil Konprens. Ol i amamas tru long go bilong ol.

Kainantu Ripot

Em hia sampela nius mipela i kisim long namba 4 miting bilong Kainantu Lokal Gavman Kaunsil insait long Is-ten Hailans Distrik, em ol i bin mekim long namba 12 de bilong mun Epril long dispela yia long Kainantu Haus Kaunsil.

Dispela kaunsil i gat 59 kaunsila olgeta na 52 kaunsila i bin kamap long miting na 7-pela i no bin kamap. Insait long dispela miting 3-pela bikipela man ol i stap na harim wanem ol samting ol kaunsila i bin toktok long en. Em ol hia long Mista D. Butler namba tu kiap bilong Goroka, Mista A. Wadsworth man i bosim olgeta Lokal Gavman Kaunsil long Goroka, na Mista Robbmond man i bosim ol ofis bilong Didiman na olgeta Didiman Stesin long taun bilong Kainantu.

Kaunsil hia bai kisim \$140,000 dola long Komonwel Beng long baim 1-pela kopi plantesin.



Em hia ol sampela kaunsila bilong yumi long Papua Nu Gini i lukluk raun insait long wanpela bikipela stua tru long Australia. Dispela poto ol i bin kisim long taim ol kaunsila bilong yumi i go lukluk raun long ol bikipela bisnis na bikipela faktori long Australia. Ol kaunsila i bin amamas moa long taim ol i lukim ol dispela samting.

Taim ol i kam bek long kantri bilong yumi, ol i bin tokim ol pipel long hap bilong ol olsem, ol i lukim planti bikipela bisnis na bikipela faktori long Australia. Na ol i ting olsem Papua Nu Gini tu inap long kirapim ol bikipela bisnis na ol bikipela faktori olsem long taim bihain.

Laikim Eria Atoriti Gen

Goroka Lokal Gavman Kaunsil i tok orait pinis long kirapim Eria Atoriti insait long taun bilong Goroka.

Narapela 6-pela Lokal Gavman Kaunsil insait long dispela Distrik tu ol i laik kirapim Eria Atoriti long elektoret bilong ol. Ol kaunsila i toktok long dispela samting insait long wanpela kibung em ol i bin mekim long Goroka Haus Kaunsil i no long-taim i go pinis.

Memba bilong Goroka Open Mista Akepa Miakwe i bin i stap insait tu long dispela kibung. Inap nau i gat 6-pela Eria Atoriti olgeta i wok long Papua Nu Gini.



'READ'

THE LITERACY AND LITERATURE MAGAZINE

- Published Quarterly
- Subscription \$1 yearly


The Editor, Box 43,
P.O., Ukarumpa, E.H.D.

BOUGAINVILLE KRISTEN BUK SENTA BOX 66.....KIETA

- * Nupela Testamen
- * Baibel Long Tok Inglis
- * Planti Kain Kristen Buk

Yu rait na askim long lista
bilong ol buk yu ken baim.
No gat pe long dispela!

Nambawan marasin bilang olgeta pen.



WINIM MAN?

\$5 dola i wet i stap

5 pela man inap winim
wan dola wan dola.

Mekim tasol wanem samting
mipela i askim daunbilo hia.

Nau salim i kam long

WANTOK piksa
Box 396, Wewak

I gat wanpela pinatang i save katim
ol liklik lip bilong ol yar tri. Em i
birua tru bilong ol lip bilong bus.
Bosman bilong bus i kam painim ol
pinatang. Em i hait i stap we?

SEPIK NIUS

NUPELA EKS RE MASIN KAMAP PINIS



Poto antap hia i soim ka bilong karim eksre masin bilong painim sik T.B. Insait long ka yu ken lukim masin i stap.

Long raithan, Dokta Gobius i sanap i stap na ol nes tu i sanap i stap na ol i amamas moa.

Namba wan Dokta bi- long Boram haus sik Dokta Gobius i laik tok olsem, olgeta pipel bi- long Is na Wes Sepik distrik i mas hepi.

Long wanem ka wantaim eksre masin i kamap pinis long Wewak.

Balus bilong ol Ami i bin bringim dispela eksre masin i kam kamap hia long namba 25 de bilong mun Jun.

I longtaim liklik ol- geta pipel long tupela distrik i bin bungim mani na givim long ol komiti na givim long Dokta Gobius long baim dispela eksre masin.

Dispela ka i karim eksre masin i kostim \$1,900 dola olgeta.

Nau long dispela taim bai eksre masin hia i ken go raun long olgeta hap na kisim poto long

ol pipel long painim sik T.B.

Dispela eksre masin i save stap insait tasol long ka. Taim bilong kisim poto ol i save srukim i kam ausait tasol long bihain bilong ka na man i ken i go insait na sanap antap long kisim poto.

Yumi ol pipel i stap hia i mas tenkim ol wantok bilong yumi i stap long narapela distrik i bin salim mani i kam na helpim yumi.

Dispela em i namba wan taim Is na Wes Sepik Distrik i baim wanpela eksre masin i stap insait long ka.

Plantu pipel i no bin lukim dispela kain samting bipo, olsem nau yupela i ken lukim. Sapos yu sambai long etpos bai yu ken lukim.

ating mani wetim yu

EM HIA WANPELA EK-
SAMPEL BILONG NIUS-
PEPA I HELPIM PIPEL.
WANTOK TASOL I PRIN-
IM DISPELA NIUS. YU
KEN LUKIM HUSAT TRU
I TING LONG YU.

Sapos yu man bilong salim kopra, yu lukim gut dispela ol nem. Sapos nem bilong yu i stap i gat sampela winmani i mas kamap long han bilong yu. Yu go long kopra bot bilong yu na tokim ol. Em hia nem bilong ol man bilong Sepik Distrik i gat mani i wetim ol.

NAMBA	NEM	PLES	MANI
7965	Mantalawa Monguni	Kis	\$ 22.88
10060	Kaly Kundera	Magendo	\$ 18.96
10061	Moris Sangewa	Magendo	\$ 88.33
10296	Moris Sangewa	Magendo	\$ 45.17
10137	Wai Ariami	Biwat	\$ 21.78
10144	Sony Ababa	Biwat	\$ 49.20
10297	Qmi Wava	Biwat	\$ 34.68
10299	Namban Mongi	Biwat	\$ 31.06
10377	Soro Tuop	Barom	\$ 6.45
10716	Fet Yumbil	Angoram	\$ 22.99
10807	Penny Nambi	Ambunti	\$ 2.02
10823	Kambugo Boio	Angoram	\$ 14.12
13503	Kurin Paliap	Mangar	\$ 12.91
13665	Soni Abapa	Iuarma	\$ 22.18
13668	Wai Biwat	Angoram	\$ 29.44
15148	Dana Yangae	Angoram	\$ 21.37
15150	Tami Kama	Angoram	\$ 27.42
10693	Bel Nelson	Kaviak	\$ 21.38
10694	Dagui Banamam	Kaviak	\$ 61.30
10883	WaIkum Talum	Kaviak	\$ 43.55
13331	Vosik Mugo	Basor	\$ 13.71
13566	Walgun Talong	Kaviak	\$ 37.91
13972	Bagen Udi	Basor	\$ 11.70
13973	Winda Jondik	Basor	\$ 16.54

PAS I KAM LONG SEPIK

HUSAT BOSIM OL TISA?

Dia Edita.- Em hia toktok bilong mi.

Plis mi laik save tru husat tru i bosim ol Misin tisa. Gavman o ol Misin yet i bosim ol?

Mi ting olsem tru nau ol Misin tisa i go insait long nupela program bilong skulim ol studen na Gavman yet i bosim ol na peim ol.

Tasol gavman yet i no inap long bosim Gavman na Misin tisa wantaim.

Olsem na mi ting Gavman i askim Misin long bosim ol tisa bilong em yet, long ol wok samting.

Misin i mas tingting long wok bilong ol na i mas helpim ol tisa bilong ol sapos ol i gat sampela wari.

Mi min olsem, ol Misin i mas helpim ol tisa long taim ol i laik lusim arapela skul na go tis long narapela gen. Na tu givim gutpela haus wantaim ol gutpela samting insait, olsem tang wara. Sapos PenC bilong skul i no inap long helpim.

Tru long planti ples na skul ol misin i givim gutpela help long ol tisa bilong ol na mekim laip bilong ol i gutpela tru.

Tasol long sampela skul long autstesin, Pater bilong lukautim Misin stesin i no save helpim ol tisa bilong ol long hap bilong ol.


Olsem long hap bilong Angoram, planti taim tarangu ol Misin tisa i kam long Angoram i save painim hat tru long ol long go kisim ples bilong skul. Na dispela skul em Is Sepik Distrik Edukesen Bot i makim long em long go

stap na tis long en.

Long bigin bilong dispela skul yia 1973, wanpela Misin tisa i kam long balus na em i laik go tis long Kambot Praimeri Skul.

Em i go long Pater bilong Misin stesin hia long Angoram, na i askim em long helpim em na go long Kambot. Tasol Pater i no helpim em.

Pater em i tok, sori tru tisa yu i no ken kam long mi na askim mi long givim tu rot, yu mas go long A.D.C. o



long inspekta bilong yupela.

Dispela kain i save paulim planti ol Misin tisa.

Na tu mi laik bai ol Misin Edukesen Ofisa i mas stretim gut rot bilong husat tisa bilong hap bilong Wewak i kam tis hia long hap bilong Angoram. Na i mas i gat rot i wetim em long hap bilong kisim em i go long skul em Edukesen Bot i makim long em.

Planti ol tisa long Wewak i no gat wantok hia long Angoram, na bai ol i kisim slip na gutpela sindaun we?

Roy Kavut,
Angoram/E.S.D.

KRISTEN MAS GO MISA

Dia Edita.- Nau mi laik autim sampela wari bilong mi i go long ol sampela kristen i save mekim.

Mi save lukim ol sampela i no save kam long Misa na Pestode. Mi save harim sampela i save tok olsem, mi no gat dres, o mi i gat sik, o taim bilong ren olsem, na mi no kam Misa.

Tasol dispela tok bilong ol i giaman tasol.

Mi save lukim ol long taim bilong mekim pati, o taim bilong singsing samting, man, man, ol i save dres ap gut tru na go. Maski taim bilong ren na rot i nogut, o em i gat liklik sik, em i mas go. Maski lapun nogut i wokabaut long stik i mas go.

Dispela samting i olsem God stret bilong ol. Tasol long kam na adorim God tru bilong yumi long antap, ol i les tru.

Olkain kristen olsem yumi no ken kolim ol i kristen. Yumi mas kolim ol long nem bilong ples stret, o nem bilong tumbuna.

Man, ol i ting God i pilai bilong ol, na ol i kisim Santu nem na i pilai, pilai, long en?

Philip Namtane,
Karaitem/Aitape.

WOK BILONG NES HAT MOA

Dia Edita.- Nau mi laik autim liklik wari bilong mi, long ol man i save tok ol nes i wok mani.

Yes, ol wantok tingting gut pastaim na mekim olkain toktok olsem.

Yumi save wok bilong ol nes i no isi, em hat moa.

Sapos yu husat man meri i mekim dispela kain tok olsem, orai maski long go long hausik we ol nes i savstap long en.

Taim yu gat sik, mas ki yu ken stap tasc long ples bilong yu, i nap long taim yu dai.

Tarangu ol susa lonhaus sik i save lukau gut tru long ol manmer na pikinini i save kisim bagarap. Ol i savlukautim ol olsem o papa na mama i lukauti long ples bilong ol.

Sapos yu husat man meri yu gat wanem kain wari orait, rait tasol i kam long Wantok.

Mr. M.K. Marin
C.M. Kanengara/E.S.D

TENKYU TRU

Dia ol Rida.- Mipela ol manmeri i wok long Wantok Niuspepa i laik givim bikpela tenkyu i go long yupela olgeta pipel bilong Is na Wes Sepik Distrik long salim pas i kam long mipela long prinim insait long niuspepa bilong yumi.

Mipela i ting olsem planti rida i ritim pas bilong yupela pinis.



NETBAL TIM BILONG OL MERI

Ol Komuniti Developmen Ofisa wantaim ol Treni ofisa long Wewak, ol i bin kirapim wampela resis bilong pilai netbal bilong ol meri long namba 19 le bilong mun Me insait long Wewak Taun. Dispela wok bilong lukautim ol meri wantaim ol famili bilong ol insait long ol viles, em Dipatmen bilong Sosol Developmen na Hom Afes i lukautim.

I gat 18 tim olgeta bilong ol meri long hap bilong Wewak Sap Distrik i stap insait long dispela resis bilong pilai netbal. Resis hia bai pinis long mun Septemba long dispela yia. Wanem ol tim i win, bai kisim prais long dispela taim.

NEM BILONG TIM	PILAI HAMAS TAIM	HAMAS POIN
Kreer Kompaun 1	6	72 poin
Plis 1	6	99 poin
Wewak Kompaun 1	7	141 poin
Kreer Kompaun 2	6	68 poin
Hawain	6	83 poin
C.I.B. 2	7	59 poin
Mandi 1	6	90 poin
P.H.D.	6	93 poin
Yarapos 1	6	93 poin
St. Mary's 1	6	86 poin
St. Mary's 2	5	38 poin
Plis 2	6	56 poin
Homeless	6	31 poin
Mandi 2	6	74 poin
Yunaitet	6	164 poin
Yarapos 2	6	61 poin
C.I.B. 1	5	93 poin
Wewak Kompaun 2	6	144 poin

WES SEPIK PIPEL WARI

Long taim ol memba bilong Konstitusenel Plening Komite i kamap long Wes Sepik Distrik, planti ol pipel i bin autim ol wari i go long ol.

Ol pipel hia i tok, olsem wanem gavman i no tingting long kirapim sampela hap bilong Wes Sepik i no gat bisnis na transpot samting.

Ol pipel i wari bikos gavman i save toktok tasol long ol lo bilong selp gavman na independens.

Long Lumi na Aitape, planti pipel i toktok planti long rot i kirap long Wewak i go long Lumi na go long Aitape, na i go kamap olgeta long Vanimo.

Ol i tok, sapos i no gat rot bai ol wok bisnis i go het olsem wanem long painim mani

long helpim ol dispela hap long Wes Sepik Distrik.

Planti pipel moa i tok orait na i strongim dispela tingting.

2 P.I.R. SO

Long namba 5 de bilong Julai 2 P.I.R. hia long Moem Bareks i bin holim wampela so.


Ol soldia i bin soim ol pipel bilong Is Sepik olkain samting bilong pait na tu olkain wok ol i save mekim.

Insait long dispela so, ol soldia i bin sut long ol masket, na mekim ol kain kain pilai long soim ol pipel.

Ol i bin soim ol pipel tu long pait giaman o yusim ol we bilong pait wantaim ol birua.

Ol lain soldia i save pilaim ol musik, i bin singim planti moa gutpela musik long dispela so bilong 2 P.I.R. long Wewak.

BAKSTUA BILONG OLKAIN MUSIK




ol rekot
teprikota
kaset
sony redio

olkain magasin
komik
niuspepa
poskat

WEWAK NEWS AGENCY

wantok lukim yu long maket




THE WEWAK PHARMACY Kodak Film PHARMACEUTICAL CHEMISTS PHOTO SHOP



Ol meri i go insait long dispela stua bilong baim santa, skin wel, blak proksait, marasin bilong stretim gras.
 Man i save baim wel bilong gras na santa bilong putim bihain long sev.
 Sapos yu laik baim ol samting bilong mekim poto, yu go insait long dua long raithan, dua bilong Poto Shop.

WEWAK PHARMACY Ring long 86 20 85



41 APRENTIS KISIM SETIFIKET

LONG 28 JUN 1973 MISTA E.G. HICKS, DISTRIK KOMISINA, MISTA G. DUNN, DISTRIK LEBA OFISA, NA MISTA W. L. LAIRD BILONG APRENTIS BOT - TRIPELA I GIVIM SETIFIKET LONG 41 APRENTIS LONG WEWAK HOTEL. EM HIA NEM BILONG OL APRENTIS.....

Ilektrisiti Komisin:

Mista Bernard Grama
Mista Samuel Kavanamur
Mista Canute Minjan
Mista Benson Liga
Mista Bonaventure Aven
Mista Zuvani Theodore
Mista Canisius Seidan
Mista Pukali Paiove
Mista Nathan Taioh
Watkins Overseas:

Mista Reuben Koitud
Mista Isimel Kabalup
Mista Nick Seringian
Korektiv Institut:
Mista Richard Teremina
B & G Motors:

Mista Aros Neimpukia
Sepik Ensiniring:
Mista Gabriel Guam
Didiman (D.A.S.F.)
Mista Mai Ehari
D.C.A. Balus:
Mista Noel Tita

P.W.D.:

Mista James Maku
Mista Golas Tokmai
Mista Mosi Jito
Mista Posolok Pochimel
Mista Joseph Yambo
Mista Michah Uvah
Mista Cholai Papi
Mista Kialou Kitemong
Mista Patun Kalai
Mista Ulien Sow
Mista James Bulai
Mista John Kisin
Mista Pokayen Hingkot
Mista Mark Gasi
Mista Ponraken Molean
Mista Peter Ndrohas
Mista Clement Eli
Mista Timperly Kisani
Mista Nason Kiapen
Mista John Pais,
Mista Tunabai Namubu
Mista Theo Mambur
Mista Johanes Peter

Mista Perry Muro

Tripela aprentis ol i kisim arakain prais bikos ol i mekim gutpela wok long trening bilong ol. Wanpela bilong Ilektrisiti Komisin na tupela bilong P.W.D.
Ilektrisiti Komisin:
Mista Adam Dugamari bin kisim P.N.G. Trading Ltd. Prais.

Pablik Woks (P.W.D.):
Mista Popau Katiwai i kisim Pacific Islands Timbers Ltd. Prais. Na Mista Bartholmew Pukaro i kisim Dulux New Guinea Ltd. Prais.

Long dispela wik 800 aprentis i bin kisim setifiket na 113 prais long olgeta hap bilong Papua Nu Gini.

tisa autim wari

Wanpela misin tisa bilong Lumi Mista Caspar Witiou i bin tokim Konstitusenel Plening Komiti long ol vot bilong las ileksen bilong Haus Asembli.

Em i tok ol nem na poto bilong ol Kandidet ol i putim long wanpela lain tasol long pepa na i mekim ol manmeri long ples i longlong tru.

Olsem na ol i save vot long bihainim lain nem na poto i stap long lain tasol. Olsem na ol pipel i no klia tru long makim namba wan e-gens long nem bilong Kandidet i no stap long antap.

Dispela asua ol i save mekim, ol i tingting long bihainim vot stat long namba 1,2,3, na i go daun long lain. Caspar i tokim ol memba olsem, long neks ileksen ol i mas putim nem na poto insait long pepa.



SMATPELA MAN I RANIM HONDA
Planti kain- planti prais- planti speapat

C & B. DISTRIBUTORS, WEWAK



PLANIM WODA LONG WEWAK

Long Sarere namba 23 de bilong Jun, balus bilong Ansett i bringim bodi bilong Clemens Teteret i kam long Wewak.

Mista Clemens Teteret em i namba wan asisten koreksenel ofisa bilong woda plis long Mt. Hagen.

Man hia i bilong Vunaka viles long hap bilong Rabaul, na em i maritim Monika Imelil bilong ples Sup long Ailan Mushu klostu tasol long nambis bilong Wewak.


Em i bin kisim bikpela la sik na i stap long

Mt. Hagen haus sik inap long wanpela mun.

Bihain ol i bin salim em long bikpela haus sik long Port Moresby na em i bin dai long 22 de bilong mun Jun.

Long namba 24 de bilong Jun, ol woda plis bilong Boram i karim bokis matmat bilong Clemens Teteret i go na planim long matmat bilong katolik misin long Wirui long Wewak.

Mista Clemens Teteret na Misis Monika Imelil, i gat 7-pela pikinini olgeta: 4-pela meri na 3-pela man.



Ansett balus i stap long Boram ples balus. Em hia i bokis matmat bilong Clemens Teteret, ol woda plis yet i karim em i kam ausait long balus Ansett. Long lephan yu ken lukim Mista M.J. Walsh bosman bilong ol woda long Boram i sanap lukim ol woda i karim bokis matmat.

OL BIKPELA SIP I KAM LONG WEWAK

DE	MUN	SIP	KAM WE	GO WE
4....	Julai	Rosebank	Madang	Rabaul
9....	Julai	Recife Maru	Yokohama	Lae
28....	Julai	Slembe	Brisbane	Djajapura
28....	Julai	Miharu Maru	Guam	Madang
19....	Ogas	Testbank	Madang	Kavieng
22....	Ogas	Forresbank	Madang	Kavieng

WEWAK CORDIALS... swit tumas



Taim nek i drai, yu dringim dispela gutpela loliwara tasol. Planti kain i stap long olgeta stua.

Olgeta de, dringim loliwara bilong

WEWAK CORDIALS



Poto hia i soim meri pikinini bilong Clemens Teteret i lusim balus Ansett na i wokabaut i kam long ples balus bilong Boram.

Meri hia em Monika Imelil, em i luk sori tru long man bilong em i dai.



Long matmat bilong Katolik Misin long Wirui, ol woda plis yet wantaim bosman bilong ol Mista M.J. Walsh i laik planim bodi bilong Mista Clemens Teteret. Bihain tasol long Misa ol i planim bodi bilong em.

Hia yu inap painim OLKAIN BUK

yu lukim sampela hia



WEWAK CHRISTIAN BOOKSHOP Box 169, Wewak

Julai 25, 10-Pela Nes Hepi

Long 25 de bilong mun Jun i bin gat gretuesen de o de bilong ol 10-pela nes bilong Nasing skul long Boram i kisim setifiket.

Ol dispela lain nes i bin mekim gutpela wok tru na i winim setifiket.

Namba wan dokta bilong Boram Haus Sik, dokta Gobius i bin singautim Mista Ronald Tovue i kam na givim setifiket long ol nes.

Mista Ronald Tovue i tokim ol nes olsem, ol yet i olsem soldia bilong pait wantaim ol kain kain sik.

Ol nes i ken tokim ol sik pipel long wanem samting i asua bilong sik bilong ol. Na wanem samting ol pipel i mekim long daunim sik na no ken kisim sik.

Mista Ronald Tovue i tok tu olsem, ol nes i no bilong helpim na

lukautim sik pipel tasol, nogat. Ol nes i mas olsem tisa tu. Ol i skulim ol pipel long gutpela we bilong daunim sik.

Em i tokim ol nes olsem, nau ol i kisim gutpela save. Na long dispela save ol i ken yusim long wok tru wantaim ol pipel long daunim sik.

Na sapos ol i ranim gut wok bilong ol, na bos bilong ol nes i ken salim ol long mekim moa stadi na save moa long ol wok bilong nes.

Yupela i no ken ting save bilong yupela inap pinis. Nogat. Yupela i mas skruim save i go moa moa yet.

Mista Ronald Tovue i tok, nau yupela nes i gat gutpela save, na ol pipel i tok ah, yupela yangpela man na meri yupela i rabis, yupela i klia wantaim save bi-

long yupela.

Yupela ol nes, yupela i no ken surik long ol toktok bilong ol. Yupela tingim gut. Sindaun na tok klia long ol pipel long wanem samting em i as bilong bringim ol sik. Bilong wanem

yupela nes i laik tok klia long ol? Bikos ol i no gat save olsem yupela ol nes.

Yupela ol nes tasol i karim olgeta hatwok, bilong daunim sik na givim gutpela tok klia long ol pipel.



Poto hia i soim Mista Ronald Tovue, em i wanpela mesistret o man bilong harim kot bilong Wewak i givim setifiket long wanpela nes.

Long baksait em i Sister Taylor bosmeri bilong Nasing Skul long bikpela haus sik long Boram.

SAPOS YU LAIK BAIM

ka
trak
motobaik
trakta
buldok


masin bilong katim gras

yu kam stret long mipela **WEWAK ENGINEERS**.

Sapos ka bilong yu i bagarap, mipela inap stretim na penim bai kamap nupela tru.

Mipela i win tru long olgeta woksap long Sepik Distrik. Mipela i lapun tru long dispela wok.

WEWAK ENGINEERS



Bringim ka bilong yu i kam long mipela **WEWAK ENGINEERS** bai wari bilong yu i pinis. Mipela i mekim gutpela wok tru na pe i no antap.



MR. MARIWA
dairekta
bilang B&G Motors

Sapos yu laik hairim ka
go long taksi
o long bas

Telipon: 86.2523

Sapos yu laik baim smatpela DATSUN ka
o NISSAN trak
yu go long

B&G MOTORS

